

欽定剿平三省邪匪方略

正編

七

一

欽定四庫全書

卷一百一十五

七

欽定剿平三省邪匪方略正編卷一百五十五年

庚申年

三月初一日

癸丑

額勒登保那彥成奏言查恒瑞

等帶兵由寧遠前進岱森保等帶兵由禮縣前

進而柳林坡一帶又俱駐有官兵賊匪漸趨向

南不敢窺伺邊境

臣

額勒登保病勢已就痊可

勉力行走當卽會同

臣

那彥成先後移師前逼

以爲策應行至禮縣之石壁地方接恒瑞等來

信有賊一股在嚴家大莊紅巖等處十八日早
間恒瑞慶成等分撥馬步官兵於龍泉溝深都
堡等處追及該匪等竟敢屢撲官兵我軍鎗箭
並發立斃賊匪數十人始行退却我軍乘勝直
前追剿五十餘里約計沿途殺賊三百餘名擒
獲一百二十五名餘匪南竄將獲賊逐加嚴訊
內有僞元帥楊道一名據供湖北襄陽府人係

張世龍徒弟此股賊匪係張世龍與藍號合夥
賊衆共有二千餘人當將該犯及從賊日久者
悉行正法其餘新擄之附近居民分別酌給口
糧釋放回籍旋又據岱森保綸布春等呈報十
七日在撒子堡偵知大股賊匪在岷州之石刷
里林江鋪一帶焚掠臣等一聞信息先後催僱
馳往岱森保與格布舍穆克登布侍衛噶拉協

領五德副將豐紳爲一路由左面之如意山抄
截綸布春桑吉斯塔爾楊遇春同總管林爾都
協領全德副將海常爲一路由右面之二個山
杜家坡直趨林江鋪另派副將喜明叅將張鳳
由中路石刷里進發均於三更起行天甫黎明
右路兵到杜家坡見石刷里林江鋪到處炊烟
知爲賊匪屯聚當卽驅兵統下林江鋪該匪等

一見官兵號召騎馬賊匪乃矛手多人排列平
川直前抵拒我軍馬步衝入賊夥箭矛並發斃
賊數十名騎馬之賊順川奔跑矛手亦卽潰
亂奔向毛峪山右路官兵仍卽緊躡追殺適左
路馬隊兵勇從毛峪山壓下賊見上下均有官
兵捨命狂奔我軍鼓勇追出十餘里詎知賊匪
大隊及婦女馬騾駝載等均在川內維時臣等

率領札克塔爾並各路官兵接踵雲集賊匪勢
急丟棄逃竄官兵等奮勇追殺統查前後殺賊
計有七百餘名獲賊男婦二百三十一名詢出
探馬頭梁正剛一名係襄陽人實係張添倫股
中頭目訊得此股係張添倫老營又與高家營
戴家營各股賊匪忽分忽合晝夜之隨處裹脅人
數更衆隨將梁正剛凌遲處死其餘從賊已入

之犯亦卽正法甫經被擄之甘肅民人豐永安
劉岳氏等一百八十四名口當卽概行釋放獲
有賊礮二個騾馬二百餘頭鎗矛旗幟不計其
數惟侍衛吹扎布衝入賊隊被賊矛傷馬該侍
衛腰肋被矛桿打傷是夜四鼓正欲起行猝聞
一股賊匪吶喊前來直撲官兵營盤守備門成
旺帶兵出營追擊賊匪頭顱被賊戳傷把總馬

萬清亦被矛傷頗重兵勇俱有受傷者天色將
明我兵奮刀齊出賊匪不能抵敵翻山四竄分
兵追剿殲賊三百餘名生擒七十二名訊知此
股卽張世龍等賊匪因在龍泉溝等處被恒瑞
等剿潰奔來希圖乘夜擊營又稱高馬二姓之
賊在瓦石坪等處埋伏該犯等均係實在賊黨
立卽處死二十日臣等在岷州之宕昌會合查

官兵疊次獲勝雖斬戮甚多而未得著名賊首

尤爲焦憤此時賊匪總在岷階等處

臣

等一面

飭令岱森保及各將領盡力追剿外仍卽親自

督兵相機截擊合力同心趕緊將甘境現有賊

匪一併掃除再查現在賊匪情形固可無慮其

轉竄東北而西南之階州文縣等處路通龍安

卽陰平舊道尤須嚴密防備昨據署文縣知縣

史登雋稟報該令於階文接壤之處業經嚴密
拏卡晝夜守禦賊匪不能竄過文縣卽不能闌
入龍安其龍安之柴門關一帶最爲險要據署
龍安府知府黃爲琳遊擊劉國剛等稟報亦經
設卡嚴堵自可無虞

臣

查刻下賊匪已經官兵

數面兜截惟西北一帶稍覺空虛已札令廣厚
帶兵由鞏昌一帶徑赴岷階自北而南探蹤堵

剿又接據德楞奈來信初五日在閭家集汪家
川等處督率官兵將楊開甲王廷詔等股賊匪
痛加殲戮其割獻首級二百一十七顆耳記四
百九十五副並獲有僞元帥陳正甲總先鋒王
添元二犯均經訊明正法又訊出臣那彥成在
秀金山剿賊時有受傷落馬跌斃賊首陳光俊
一名此次打仗官兵只有前鋒巴彥泰衝入賊

隊射賊二名右肘受傷骨折所有剿散餘匪已
交吉蘭奉追剿德楞泰卽於十二日由畧陽入
棧趲程赴川提督七十五亦由營山趕往川西
合之興倫共有三路重兵該匪定可不致蔓延
近據吉蘭泰呈報該提督所追賊匪已至徽縣
兩當境內臣等又嚴飭上緊截剿並恐其兵力
稍單已將總兵索費英阿所帶之兵統歸管領

外又飭楊揆將所帶之兵一千餘名卽由秦州
馳赴徽縣一帶如遇吉蘭泰卽將官兵併交管
領至鎮安五郎一帶尙有賊匪未淨恐其闌入
商維必須大員總持軍務前奉

諭旨令台布酌量或卽令國霖前往商維防堵

臣額

勒登保深知國霖於打仗殺賊未能諳練難以

深恃因思恒瑞本係西安將軍

臣

等公同商酌

已囑恒瑞卽帶原領馬步兵勇三千餘名由秦
州一帶趕赴鎮安五郎商雒等處扼賊東竄之
路

額勒登保那彥成又奏言查吉蘭泰帶兵一千
餘名在白水江一帶防堵安肅道瑞亨帶兵一
千二百餘名在虞關駐守虞關係白水江上游
瑞亨所駐之處距吉蘭泰所駐地方三十餘里

上年十二月二十七日高家營戴家營等股賊
匪由虞關搶渡衝破瑞亨營盤闖入徽縣是日
有潰出河州西寧兵丁至吉蘭泰處稟知吉蘭
泰以白水江附近尙有賊匪未經救援二十八
日復有張家營賊匪由虞關搶渡三十日吉蘭
泰始至虞關各路賊匪俱自徽縣分擾秦州成
縣禮縣北窳鞏昌府境內吉蘭泰由徽縣一帶